



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Sucquet E Societate Iesv Via Vitæ Æternæ**

**Sucquet, Antoine**

**Antverpiae, 1630**

Præfatio.

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

PRÆFATIO.



*Enigne Lector, accipe hanc Viam  
vita aeterna, quam tibi ut filio  
offert Dominus IESVS vita no-  
stra per me indignissimum ser-  
uum suum: omnia enim opera  
nostra in nobis operatus est.*

Esaiæ 16.

*illum  
autem assidue rogo, ac rogabo. & multi mecum, quos  
in hac negotiatione (ut sic loquar) habeo socios, &  
apud Deum Oratores, ut me, & te, & omnes qui  
viam hanc legent, gratia sua prævenire dignetur  
is, qui est fons omnis gratia, & bonitas infinita  
Christus IESVS. Tu vicissim id ipsum pro me, ac  
te, & illis, qui pro te orant, roga. Orationem ad hoc  
habes initio libri preparatam, pag. 3. Deinde inter  
legendum, Deum quasi loquentem audi; etenim juxta  
S. Augustinum, nobis infinita illa majestas loqui-  
tur, dum sacra legimus. Paratum verò habe cor, ut  
monentem audias, sequaris Deum præeuntem; ipse  
enim Via, Veritas, & vita. Et agitur, agitur, mi  
frater, agitur, attende, & appende obsecro, de aeternitate,  
aeternitate tuâ, & meâ. Ut verò inoffenso  
pede hanc Viam per gratiam Domini nostri IESV  
CHRISTI decurras, si qui pro humanâ fragi-  
litate irrepserint errores, & in calcem libri rejecti  
sint (et si verè magnâ charitate, & diligentia plures  
intenderint correctioni) corrige eos, rogo, initio ne  
aliàs inter legendum remoram experiare, & mole-  
stiam. Nunc quid in novissimâ hac editione præsti-  
tum Dei, & B. Virginis auxilio, habe. Certè que*

Oratio pro  
Lectore.

Orandum  
pro Aucto-  
re, &c.

Quomodo  
legendum,  
& audien-  
dus Deus.

NOTA  
Lector, Pri-  
mò errata  
corrigen-  
da.

PRÆFATIO.

Quid in  
hac editio-  
ne præsti-  
tum.  
Divisio  
operis.  
Exercitia  
divisa.  
Omnia ha-  
bent appli-  
cationem  
ad Commu-  
nionem.  
Meditatio-  
nes auct. &c.

post primam editionem hætenus cognovi desidera-  
ri, conatus sum, quoad licuit, perficere, vel adyccere.  
Quæ, inquis, illa? 1. Effectum ut opus hoc si quis ita  
cupiat, dividi queat in partes duas. 2. Exercitia sin-  
gula sunt in complura distributa, ne cui longiora  
videri possint. 3. Ea omnia ad communionem quo-  
tidianam seu spiritualem, seu sacramentalem sunt  
accommodata. 4. Meditationes subinde auct. &c. 5. Cū  
harum puncta qualibet meditationem contineant,  
ijs subnexui exercitia varia communia, idq. San-  
ctorum exemplo. Hinc verò colligere potes medi-  
tationes nullo die facile defuturas.

NOTA  
diligenter.  
Exercitia  
communis  
sunt in 1. &  
2. parte.

Observe, rogo, illa exercitia, qua quasi præcipua,  
& communia omni meditationi sunt, in prima &  
secunda parte haberi; in prima in initio, in secunda  
in fine libri 3. ne si quis duabus partibus compingi  
librum vellet, in alterutra hæc requireret. Nota  
verò solum citari numerum pagina primæ partis,  
neque numerum adjectum illi semifolio, quod in  
fine ponitur. Quare cū citationem videris pagina  
in prima parte folio primo signato posita, (v. g. Hac-  
cine vera &c. ut supra p. 7. Hæcine firma fide, p. 8.)  
memor esto eadem in fine secunda partis reperiri,  
& quidem auctiora, idq. folio ultimo sine nota al-  
phabeti, sine numero. Imò commodo tuo curavi, ut

NOTA.  
sedulo usū  
horum ex-  
ercitiorum.

in exemptitis folio ea excuderentur, ut commodior  
tibi eorum foret usus in omni meditatione: neque  
solum in hoc opere, sed & in omni lectione cujuscvis  
pij libri, ut experientia ipsa monstrabit. Accessere  
deinde puncta de IESU CHRISTI amantiissimi  
Domini nostri vitâ. Hæc habes lib. 3. c. 3. ut autem  
Evangelium cuique diei juxta Ecclesie ritum assi-

Vita Chri-  
sti IESU  
addita.

gnatum

P R Æ F A T I O.

gnatum reperias, vide Indicem Concionatorum: Primus enim numerus paginam indicat, ubi puncta ex textu Euangelij dici, de quo agitur, invenias. 7. Ut verò hac puncta condirentur, præter illa brevìa exercitia communia, de quibus l. 1. c. 1. p. 5. & seqq. habes complura de affectibus pro omni meditatione commodis l. 2. c. 51. & seqq. Horum autem ubi, & quis usus post singula puncta in vitâ Christi l. 3. c. 3. indicatur. 8. Diarium etiam auctum est. V. c. 20. l. 3. 9. Pro singulis item statibus brevis norma vivendi data est, & meditatio cuique propria quotidie, aut certè crebrò usurpanda. Vide l. 3. c. 21. 22. 23. 24. Capite 25. discas, ut perseverare debeas in vocatione tuâ. 10. Documenta habes aliquot rariora Sanctorum, eaq; in calce libri p. 1115. simul posita. 11. Initio verò post præfationem habebis praxim, seu usum libri, quem, rogo, considera, & boni consule. 12. Indicem quadruplicem qui requirebatur. Primum Capitum. Secundum Materiarum pro meditatione. Tertium Rerum. Quartum Concionatorum; quibus novæ notæ marginales subserviunt. Primus, qui Capitum, est ut mox videas, quid hoc opere toto contineatur. Secundus tibi eadem capita distribuit, ut assignet commodam materiam quotidianæ meditationi, cui etiam Quartus est accommodus, scilicet Concionatorum. Etenim (Nota sedulo) hunc non solum esse in usum concionatorum, sed tuum, sed cujusvis: nam quod Concionatori usui erit volenti de Euangelio Dominici, aut festi alijs dicere, id tibi, & omnibus de eodem volenti meditari. Ad hoc habes de vitâ Christi universa Dominicis omnibus, ac festis, &

Tractatus  
de Affecti-  
bus.

Diarium  
auctum.  
Norma ri-  
vendi pro  
quolibet  
statu.

Documen-  
ta Sancto-  
rum.  
Praxis libri

Index qua-  
druplex.  
Et quis eo-  
rum usus.

NOTA:  
sedulo de  
Indice Cõ-  
cionatorũ.

P R Æ F A T I O.

NOTA  
bene, quā-  
rus usus  
Indicis  
Conciona-  
torum.

alijs diebus puncta ex ipsis Euangelij verbis concin-  
nata, & distributa cap. 3. lib. 3. Igitur tu Conciona-  
tor, vel Lector, si de Euangelio Dominica alicujus  
aut festi dicere, vel accommodatè meditari volue-  
ris, primò inspice Concionatorum indicem. Hic ti-  
bi quarenti quod sit Euangelium, monstrabit: unde  
istud, seu puncta petere debeas. Primus enim nu-  
merus illud notat, reliqui materias accommodatas.

Oratio pro  
Lectore.

Nunc rogo humillime te JESU CHRISTE, dul-  
cissime Redemptor mi, qui ades hic, & es nobis Via,  
Veritas, & Vita, ut eum, qui hac legit, & me infi-  
nitâ misericordiâ tuâ ad te ita ducas, ut vitam ali-  
quando habeamus, & abundantius in te æternum  
habeamus, & amemus æternum te ô omne bonum,  
omne bonum.

Omnia  
D. o tri-  
buenda.

Te verò, ô Lector, rogo, ut si quid hic legas  
quod placeat, non mihi tribuas misero peccatori,  
& inutili seruo Domini mei, id est, non tribuas ca-  
lamo scriptionem, sed scriptori; non lumen later-  
nae, sed luci; non picturam penicillo, sed pictori; aut  
donum parum fideli dispensatori, sed Deo largitori  
omnia tribue, à quo omne bonum, & donum ema-  
nat. Illi soli honor, & gloria in secula seculorum,  
Amen.

P R A X I S